

חני

1 בשנת שְׁתַּיִם לְדַרְנוֹשׁ הַמֶּלֶךְ בַּחֹדֶשׁ הַשְּׁשִׁי בַיּוֹם
 אֶחָד לַחֹדֶשׁ הָיָה דְבַר־יְהוָה בְּיַד־חֲנִי הַנָּבִיא אֶל־זַרְבָּבֶל
 בֶּן־שָׁאֵל־תִּיאֵל פֶּתַח יְהוּדָה וְאֶל־יְהוֹשֻׁעַ בֶּן־יְהוֹצָדָק
 הַכֹּהֵן הַגָּדוֹל לֵאמֹר: 2 כֹּה אָמַר יְהוָה צְבָאוֹת לֵאמֹר
 הָעַם הַזֶּה אָמְרוּ לֹא עַתָּה בָּא עַת־בַּיִת יְהוָה לְהַבְנוֹת: פ
 3 וַיְהִי דְבַר־יְהוָה בְּיַד־חֲנִי הַנָּבִיא לֵאמֹר: 4 הַעַת לְכֶם
 אַתֶּם לְשֶׁבֶת בְּבִתְיֶכֶם סְפוּנִים וְהַבַּיִת הַזֶּה חָרַב: 5 וְעַתָּה
 כֹּה אָמַר יְהוָה צְבָאוֹת שִׁימוּ לְבַבְכֶם עַל־דְּרָכֵיכֶם:
 6 זַרְעוּם הַרְבֵּה וְהִבֵּא מַעֲט אָכֹל וְאִין־לְשַׁבְּעָה שְׂתוּ
 וְאִין־לְשַׁכְּרָה לְבוֹשׁ וְאִין־לָחֶם לֹא וְהַמִּשְׁתַּכֵּר מִשְׁתַּכֵּר
 אֶל־צָרוּר נִקּוּב: פ 7 כֹּה אָמַר יְהוָה צְבָאוֹת שִׁימוּ
 לְבַבְכֶם עַל־דְּרָכֵיכֶם: 8 עָלוּ הָהָר וְהַבֵּאתֶם עֵץ וּבְנוּ
 הַבַּיִת וְאַרְצֵה־בוּ *וְאֶכְבַּד (וְאֶכְבְּדָה) אָמַר יְהוָה: 9 פְּנֹה
 אֶל־הַרְבֵּה וְהִנֵּה לְמַעַט וְהַבֵּאתֶם הַבַּיִת וּנְפַחְתִּי בּוֹ
 יַעַן מָה נֶאֱמַר יְהוָה צְבָאוֹת יַעַן בֵּיתִי אֲשֶׁר־הוּא חָרַב
 וְאַתֶּם רְצִים אִישׁ לְבֵיתוֹ: 10 עַל־כֵּן עָלִיכֶם כָּלֵאוּ שָׁמַיִם
 מִטָּל וְהָאָרֶץ כָּלֵאָה יְבוּלָה: 11 וְאֶקְרָא חָרַב עַל־הָאָרֶץ
 וְעַל־הַהָרִים וְעַל־הַדָּגָן וְעַל־הַתִּירוֹשׁ וְעַל־הַיְצָהָר וְעַל
 אֲשֶׁר תּוֹצִיא הָאָדָמָה וְעַל־הָאָדָם וְעַל־הַבְּהֵמָה וְעַל
 כָּל־יְגִיעַ כַּפַּיִם: ס 12 וַיִּשְׁמַע זַרְבָּבֶל בֶּן־שָׁאֵל־תִּיאֵל וַיְהוֹשֻׁעַ
 בֶּן־יְהוֹצָדָק הַכֹּהֵן הַגָּדוֹל וְכָל־שְׂאֵרֵי הָעָם בְּקוֹל יְהוָה

אֶל־הַיְהוָה וְעַל־דְּבַר־יְהוָה חָגִי הִנְבִּיא כַּאֲשֶׁר שְׁלַחוּ יְהוָה
אֶל־הַיְהוָה וַיִּירָאוּ הָעָם מִפְּנֵי יְהוָה: 13 וַיֹּאמֶר חָגִי מִלְאָךְ
יְהוָה בְּמִלְאֲכוֹת יְהוָה לְעַם לֵאמֹר אֲנִי אֶתְכֶם נְאֻם־יְהוָה:
14 וַיַּעַר יְהוָה אֶת־רוּחַ זְרַבְבֶּל בֶּן־שִׁלְתַּיָּאל פֶּתַת יְהוּדָה
וְאֶת־רוּחַ יְהוֹשֻׁעַ בֶּן־יְהוֹצָדָק הַכֹּהֵן הַגָּדוֹל וְאֶת־רוּחַ כָּל־
שְׂאֵרֵי הָעָם וַיָּבֵאוּ וַיַּעֲשׂוּ מִלְאָכָה בְּבֵית־יְהוָה צְבָאוֹת
אֱלֹהֵיהֶם: פ 15 בְּיוֹם עֶשְׂרִים וָאַרְבָּעָה לַחֹדֶשׁ בְּשֵׁשִׁי בִשְׁנַת
שְׁתַּיִם לְדָרְגוֹשׁ הַמֶּלֶךְ:

2

1 בְּשִׁבְעֵי עֶשְׂרִים וָאֶחָד לַחֹדֶשׁ הָיָה דְבַר־יְהוָה
בְּיַד־חָגִי הִנְבִּיא לֵאמֹר: 2 אָמַר־נָא אֶל־זְרַבְבֶּל
בֶּן־שִׁלְתַּיָּאל פֶּתַת יְהוּדָה וְאֶל־יְהוֹשֻׁעַ בֶּן־יְהוֹצָדָק
הַכֹּהֵן הַגָּדוֹל וְאֶל־שְׂאֵרֵי הָעָם לֵאמֹר: 3 מִי בְכֶם
הַנֶּשְׂאָר אֲשֶׁר רָאָה אֶת־הַבַּיִת הַזֶּה בְּכַבּוּדוֹ הָרִאשׁוֹן
וַיְמַה אַתֶּם רֹאִים אִתּוֹ עֵתָה הֲלֹא כְמֹהוּ כְּאִין בְּעֵינֵיכֶם:
4 וְעֵתָה חֲזַק זְרַבְבֶּל וְנְאֻם־יְהוָה וְחֲזַק יְהוֹשֻׁעַ בֶּן־יְהוֹצָדָק
הַכֹּהֵן הַגָּדוֹל וְחֲזַק כָּל־עַם הָאָרֶץ נְאֻם־יְהוָה וַעֲשׂוּ כִּי־אֲנִי
אֶתְכֶם נְאֻם יְהוָה צְבָאוֹת: 5 אֶת־הַדְּבָר אֲשֶׁר־כִּרְתִּי אֶתְכֶם
בְּצֵאתְכֶם מִמִּצְרַיִם וְרוּחִי עִמָּדָת בְּתוֹכְכֶם אֶל־תִּירְאוּ:
ס 6 כִּי כֹה אָמַר יְהוָה צְבָאוֹת עוֹד אַחַת מְעַט הִיא וְאֲנִי
מֵרַעִישׁ אֶת־הַשָּׁמַיִם וְאֶת־הָאָרֶץ וְאֶת־הַיָּם וְאֶת־הַחֲרָבָה:
7 וְהִרְעַשְׁתִּי אֶת־כָּל־הַגּוֹיִם וַיָּבֹאוּ חֲמֻדַת כָּל־הַגּוֹיִם
וּמִלְאָתִי אֶת־הַבַּיִת הַזֶּה כְּבוֹד אָמַר יְהוָה צְבָאוֹת:
8 לִי הַכֶּסֶף וְלִי הַזָּהָב נְאֻם יְהוָה צְבָאוֹת: 9 גָּדוֹל יְהוָה

כבוד הַבַּיִת הַזֶּה הָאֲחֵרוֹן מִן־הַתְּרֵאשׁוֹן אָמַר יְהוָה צְבָאוֹת
 וּבַמָּקוֹם הַזֶּה אֶתֵּן שְׁלוֹם נְאֻם יְהוָה צְבָאוֹת: פ 10 בְּעֹשְׂרִים
 וָאַרְבָּעָה לַתְּשִׁיעֵי בַשָּׁנָה שְׁתַּיִם לְדַרְיֹושׁ הָיָה דְבַר־יְהוָה
 אֶל־חֲנִי הַנָּבִיא לֵאמֹר: 11 כֹּה אָמַר יְהוָה צְבָאוֹת שְׂאֵל־נָא
 אֶת־הַכֹּהֲנִים תּוֹרָה לֵאמֹר: 12 הֲנָּוּ וַיִּשְׂאֵ־אִישׁ בְּשֵׁר־קֹדֶשׁ
 בַּכֶּנֶף בְּגָדוֹ וַיִּנָּע בְּכַנְפוֹ אֶל־הַלֶּחֶם וְאֶל־הַנְּזִיד וְאֶל־הַיַּיִן
 וְאֶל־שֶׁמֶן וְאֶל־כָּל־מֵאֲכָל הַיִּקְדָּשׁ וַיַּעֲנוּ הַכֹּהֲנִים וַיֹּאמְרוּ
 לֹא: 13 וַיֹּאמֶר חֲנִי אִם־יִנָּע טָמֵא־נַפְשׁ בְּכָל־אֵלֶּה הַיִּטְמָא
 וַיַּעֲנוּ הַכֹּהֲנִים וַיֹּאמְרוּ יִטְמָא: 14 וַיַּעַן חֲנִי וַיֹּאמֶר בֵּן
 הָעַם־הַזֶּה וְכֹן־הַגּוֹי הַזֶּה לִפְנֵי נְאֻם־יְהוָה וְכֵן כָּל־מַעֲשֵׂה
 יְדֵיהֶם וְאֲשֶׁר יַקְרִיבוּ שֵׁם טָמֵא הוּא: 15 וְעַתָּה שִׁימוּ־נָא
 לְבַבְכֶם מִן־הַיּוֹם הַזֶּה וּמַעַלָּה מִטָּרֵם שׁוּם־אֶבֶן אֶל־אֶבֶן
 בְּהִיבַל יְהוָה: 16 מִהַיּוֹתֶם בָּא אֶל־עֲרַמַת עֹשְׂרִים וְהַיּוֹתָה
 עֲשָׂרָה בָּא אֶל־הַיִּקָּב לַחֲשֵׁף חַמְשִׁים פּוּלָה וְהַיּוֹתָה
 עֹשְׂרִים: 17 הַפִּיתִי אֶתְכֶם בַּשָּׂדֶפּוֹן וּבַיַּרְקוֹן וּבַבָּרָד
 אֶת כָּל־מַעֲשֵׂה יְדֵיכֶם וְאִין־אֶתְכֶם אֵלַי נְאֻם־יְהוָה:
 18 שִׁימוּ־נָא לְבַבְכֶם מִן־הַיּוֹם הַזֶּה וּמַעַלָּה מִיּוֹם עֹשְׂרִים
 וְאַרְבָּעָה לַתְּשִׁיעֵי לְמִן־הַיּוֹם אֲשֶׁר־יִסַּד הִיבַל־יְהוָה
 שִׁימוּ לְבַבְכֶם: 19 הָעוֹד הַזֶּרַע בַּמַּגּוּלָה וְעַד־הַגֶּפֶן
 וְהַתְּאֵנָה וְהָרְמוֹן וְעֵץ תְּנִית לֹא נִשְׂא מִן־הַיּוֹם הַזֶּה
 אֶבְרָד: ס 20 וַיְהִי דְבַר־יְהוָה שְׁנִית אֶל־חֲנִי בְּעֹשְׂרִים
 וְאַרְבָּעָה לַחֹדֶשׁ לֵאמֹר: 21 אֲמַר אֶל־זֶרְבָּבֶל פַּחַת־יְהוּדָה
 לֵאמֹר אֲנִי מֵרְעִישׁ אֶת־הַשָּׁמַיִם וְאֶת־הָאָרֶץ: 22 וְהַפְּכֹתִי

כִּסָּא מִמְלָכוֹת וְהִשְׁמַדְתִּי חֲזַק מִמְלָכוֹת הַגּוֹיִם וְהַפְכֹּתִי
מִרְכָּבָה וְרִכְבֵּיהָ וַיִּרְדּוּ סוּסִים וְרִכְבֵּיהֶם אִישׁ בְּתַרְב
אָחִיו: ²³ בַּיּוֹם הַהוּא נֶאֱמַר יְהוָה צְבָאוֹת אֶקְחֶךָ זָרְבָל
בֶּן־שָׁאֵל־תִּיאֵל עַבְדִּי נֶאֱמַר יְהוָה וְשִׁמְתִּיךָ כַּחוֹתָם כִּי־בָנָה
בְּתַרְתִּי נֶאֱמַר יְהוָה צְבָאוֹת:

הקודש כתבי

The Old Testament in ancient Hebrew, following the Masoretic Text

Public Domain

Language: עברית (Hebrew)

Dialect: Biblical/Ancient

2013-12-11

PDF generated using Haiola and XeLaTeX on 21 Feb 2024 from source files dated 31 Aug 2023

f3b465f1-2c6b-5d96-a12d-59e7ed7a7f15